

Framkvæmdaáætlun Garðabæjar á sviði barnaverndar kjörtímabilið 2014 – 2018

Inngangur

Framkvæmdaáætlun þessi er gerð með vísan til 9. gr. barnaverndarlaga nr. 80/2002, en þar segir:

“Sveitarstjórnir skulu marka sér stefnu og gera framkvæmdaáætlun fyrir hvert kjörtímabil á sviði barnaverndar innan sveitarfélagsins. Framkvæmdaáætlun sveitarfélags í barnaverndarmálum skal send ráðuneytinu og Barnaverndarstofu.”

Áætlun þessari er ætlað að stuðla að vönduðum vinnubrögðum og markvissri barnavernd. Með börnum er í áætlun þessari átt við einstaklinga undir 18 ára aldri.

Markmið

Markmið barnaverndar í Garðabæ er að bæta aðbúnað og líðan barna í Garðabæ og stuðla að því að þau búi við viðunandi uppeldisaðstæður, þar sem þau njóta virðingar og umhyggju og velfarnaðar þeirra er gætt í hvívetna. Jafnframt er markmiðið að tryggja að börn sem búa við óviðunandi aðstæður, börn sem verða fyrir áreitni eða ofbeldi og börn sem stofna heilsu sinni og þroska í hættu fái nauðsynlega aðstoð.

Leitast skal við að ná þessum markmiðum með:

1. Almennum aðgerðum í þágu barna í samfélaginu.
2. Sértekum aðgerðum og forvörnum í þágu tiltekinna hópa barna.
3. Markvissri vinnu í málefnum tiltekinna barna á grundvelli barnaverndarlaga.

1. Almennar aðgerðir í þágu barna í samfélaginu

Garðabær mun með fjölbreytilegum hætti leitast við að tryggja bættan hag barna og fjölskyldna í bæjarfélaginu með því að:

- Hafa forvarnir markvissar og samræmdar í bæjarfélaginu
- Tryggja að öll börn eigi kost á námi við hæfi, s.s. með einstaklingsmiðuðu námi í leik- og grunnskólum bæjarins og með aukinni samfellu í skóla- og tómstundastarfi.
- Tryggja að öll börn eigi kost á íþróttum og tómstundum. Þetta verður m.a. gert með hvatapeningum sem ætlaðir eru til að greiða niður félagsgjöld í íþrótt- og æskulýðsstarfi og vinna gegn brottfalli úr íþróttum og tómstundastarfi barna
- Styrkja fjölskylduna í uppeldishlutverki sínu. Það verður m.a. gert með eftirfarandi hætti:
 - ✓ með öflugum samstarfi heimila og skóla,
 - ✓ með því að efla umræðu og fræðslu um hlutverk og ábyrgð fjölskyldunnar á uppeldi barna,
 - ✓ með því að veita foreldrum upplýsingar um hagi og líðan barna og ungmenna í Garðabæ og áherslur í forvarnastarfi,
 - ✓ með því að foreldrar geti á heimasíðu Garðabæjar sótt forvarnafræðslu og upplýsingar um þá þjónustu sem í boði er og hvert hægt sé að leita ef vandi steðjar að fjölskyldunni,
 - ✓ með því að ráða til starfa með börnum vel menntað og hæft starfsfólk og styðja og efla starfsfólk við störf þeirra að uppeldismálum með fræðslu og námskeiðum.

2. Sértekur aðgerðir í þágu tiltekinna hópa barna

Garðabær mun með sértækum aðgerðum leitast við að efla stöðu barna sem standa höllum fæti. Þetta verður gert með því að:

- Starfsfólk sé ætíð vakandi fyrir því að greina börn og hópa barna sem þurfa sérstaka aðstoð og finna úrræði við hæfi
- Huga sérstaklega að aðlögun barna innflytjenda
- Huga sérstaklega að því að efla og styrkja sjálfsmynd barna og ungmenna s.s. með hópastarfi og námskeiðum eftir því sem við á
- Taka á ofbeldis- og eineltismálum með markvissum og skipulögðum hætti.

3. Markviss vinna í málefnum tiltekinna barna á grundvelli barnaverndarlaga

Í 1. tl. 12. gr. barnaverndarlaga segir: “Barnaverndarnefndir skulu kanna aðbúnað, hátterni og uppeldisskilyrði barna og meta sem fyrst þarfir þeirra sem ætla má að búi við óviðunandi aðstæður, sæti illri meðferð eða eigi í alvarlegum félagslegum erfiðleikum”. Um vinnslu og beitingu úrræða í málefnum einstakra barna fer skv. barnaverndarlögum. Mikilvægt er að almenningur og starfsfólk er vinnur með börnum sé meðvitað um tilkynningarskyldu sína til barnaverndarnefndar sbr. 16. og 17. gr. barnaverndarlaga. Þetta verður gert með:

- Aðgengilegum upplýsingum á heimasíðu Garðabæjar um tilkynningarskylduna og um það hvert tilkynna skuli þegar grunur leikur á að aðbúnaði og uppeldisskilyrðum barna sé áfátt.
- Bakvöktum barnaverndar í Garðabæ í samstarfi við önnur sveitarfélög á höfuðborgarsvæðinu.
- Fjölbreytilegum stuðningi við fjölskyldur á heimilum þeirra og í nærumhverfi og draga þannig úr þörf fyrir vistun barna utan heimilis.
- Fullnægjandi mönnun fjölskyldusviðs Garðabæjar þannig að unnt sé að sinna skyldum sveitarfélagsins í barnaverndarmálum.

Uppbygging barnaverndarstarfsins

Fjölskylduráð Garðabæjar fer m.a. með störf barnaverndarnefndar, sbr. 4. mgr 10. gr. barnaverndarlaga.

Fjölskylduráð hefur falið starfsmönnum sínum könnun og meðferð einstakra mála skv. reglum sem ráðið hefur sett og framselt starfsmönnum vald til að taka einstakar ákvarðanir sbr. 14. gr. barnaverndarlaga. Umboð/framsal þetta er skilgreint í reglum Garðabæjar um “Hlutverk fjölskylduráðs varðandi meðferð mála er undir barnaverndarnefnd heyra og umboð til starfsmanna” er samþykktar voru í bæjarstjórn Garðabæjar í desember 2003.

*Samþykkt á fundi bæjarráðs
23. júní 2015*

*Guðjón Erling Friðriksson
bæjarritari*